



Broj: 06-06-783-4/19

Sarajevo 07.10.2019. godine

**PREDMET: Poziv na radionicu "Unaprjeđenje energijske efikasnosti i upravljanje energijom u industrijskim preduzećima"**

Poštovani,

Vanjskotrgovinska komora Bosne i Hercegovine/Sektor za edukaciju u saradnji sa Centrom za energiju, okoliš i resurse (CENER 21) Sarajevo organizira radionicu na temu "**Unaprjeđenje energijske efikasnosti i upravljanje energijom u industrijskim preduzećima**" koja se održava **25.10.2019. godine** u prostorijama Vanjskotrgovinske komore Bosne i Hercegovine, Branislava Đurđeva 10, Sarajevo.

Poboljšanje energijske efikasnosti (EE) te uspostava sistema upravljanja energijom predstavljaju ključne alate za ostvarivanje konkurentnosti preduzeća na zahtjevnom međunarodnom tržištu. Za postizanje ovog cilja neophodno je vršiti stalnu edukaciju kadrova na svim nivoima koji su i pokretači razvoja. Upravo iz navedenog razloga, radionica je namijenjena predstavnicima velikih, malih i srednjih industrijskih preduzeća i ostalim velikim potrošačima energije u Bosni i Hercegovini koji su uključeni u projekte upravljanja energijom i energijske efikasnosti na direktan ili indirektan način.

Osnovni cilj radionice jeste dati smjernice za povećanje konkurentnost preduzeća u Bosni i Hercegovini kroz jačanje kapaciteta u upravljanju energijom, te edukacijom kadrova za unaprjeđenja energijske efikasnosti u industrijskom sektoru.

Teme radionice će obuhvatiti:

- pregled relevantne zakonske regulative iz oblasti energijske efikasnost u EU i BiH, a koja se odnosi na proizvodne kompanije i velike potrošače;
- procedura provođenja energijskog audita kao prvog koraka u procesu uštede energije;
- izvore finansiranja i olakšice koje bi podržale aktivnosti unaprjeđenja energijske efikasnosti i povećanja konkurentnosti u sektoru proizvodnje;
- zahtjevi standarda ISO 50001, procedura implementacije i njen značaj;
- primjeri iz prakse – povećanje konkurentnosti kroz smanjenje potrošnje energije, negativnog uticaja na okoliš i resursnu efikasnost.

Učešće na radionici je besplatno za učesnike. Za sve učesnike radionice obezbijeden je besplatan ručak i osvježenje. Radionici mogu prisustvovati najviše 2 osobe iz iste organizacije. Broj učesnika je ograničen.

Potrebno je ispuniti online prijavni obrazac najkasnije do 23.10.2019. godine do 16:00. Za sve dodatne informacije možete se obratiti na telefon: 033/566-201.

U nadi da ćete se odazvati našem pozivu, srdačno Vas pozdravljamo.

S poštovanjem,

**DIREKTOR SEKTORA ZA EDUKACIJU**

Dr. sc. Elma Kovačević-Bajtal

**Prilog: Program radionice**

